

जि.प्र.का.दर्ता नं. ५७४/०७४/०७५

पान नं. ६०७५८३२३५

# तवः

तवः समाज्या द्वाऱ्यो  
दंमंश्चा



## ज्ञायांश्च दंमंश्चा

न.सं. ५५९६ विभागा ७

वित्तकः

तवः (तामराकर) समाज



बाखं

केशरमान ताम्राकार

शिकागो, अमेरिका

## जिम्ह मचा

बिहाः जूगु च्यादँ दये धुंकल । अयनं इमि मचा मडुनि ।

मिजं डिभि लाकाः अमेरिका वःगु, मिसा मास्टर्स यायेत । मिजं जुल प्रदीप ताम्राकार, मिसा जुल प्रतिमा तुलाधर । छन्हु इपिं छगू डिपार्टमेन्ट स्टोर— वालमार्टय् पसः वनाच्वंगु । निम्हं ध्वदुक्क नापलात । वं वयात स्वल, वं वयात स्वल । इपिं निम्हेस्यां मतिइ वल— नेपाली जुइमाः । निम्हेस्यां न्हिलाः ख्वाः ज्यात । प्रदीपं हे न्हापां म्हुतु संकल— 'आर यू नेपलीज ?' उत्तिख्यरं प्रतिमां लिसः बिल खँयभासं— 'म नेपाली हो ।' प्रतिमाया लिसलय् नेवाःपहः खनाः न्यन नेवाः भासं— 'नेवाः खः मखु ला ?'

लिसः — 'खः, जि नेवाः हे खः ।'

निम्ह छकलं हवाररर न्हिल । पसः यानाच्वं ज्वःछि इमिगु खँल्हाबल्हा नेवाःभासं हे जुल । छघौ जाये धुंकल इमि सपिङ्ग सिमधः । इमिगु खँल्हाबल्हा सिमधः । नेपाःया थाय्बाय्, ब्बनागु स्कूल, कलेज, थःथिति, पासापि, नेपाःया नखःचखः सकतां खँ ब्यात । निम्हं यँयापि । तर प्रतिमाया मांबौपि न्हूगु छँ दनाः सितापाइलाय् च्ववने धुंकूगु जुयाच्वन । पलख न्हयः जक नापलाःपि तसकं सत्तीपि जूवन । सपिङ्ग सिधल । इपिं च्वनीगु थाय् मोटरं आधा आधा घण्टा तापाः खनी । निम्हेस्यां फोन नम्बर थःथःगु मोबाइलय् स्वथन । लिपा हाकनं नापलाये धाधां निम्हं पार्किङ्ग यानातःगु

थःथःगु मोटरपाखे पलाः न्ह्याकल ।

मोटर न्ह्याका वनाच्वपिनि निम्हेस्यां नुगलय् खःथें मखुथें च्वंमह मतिनाया चुलि जाया वल । मतिनाया स्वां ह्वयेकल । बिहाः मजूनिपि ल्याय्मह ल्यासे । उकिसं अमेरिकाय् याकः याकः । भाजुया थःत यःमह मयजु माले थाकु । अथे हे मयजुया भाजु माले नं उलि हे थाकु । उकिसं नेवाः नेवाः जूबलय् इमि दथुइ छगू आश दनावल । पत्याः यायेबःमह मनू लू थें ताल । ध्वदूपि इमिसं मतिनाया पलाखय् पलाः तल ।

छवाःया दुने इपिं निम्हेस्यां नेपालय् मांअबुपित थःपिनिगु खँ छ्वया बिल । मांबौपिसं मयः धायेगु ला खँ हे मन्त । दकलय् न्हापां इमि दथुइ कोर्ट म्यारीज जुल । अनंलि छपुचः पासापि मुनाः अनया छगू कृष्ण मन्दिरय् वनाः स्वयम्बर यात । बहनी पासापित छगू नेपाली रेष्टुरेन्टय् बिहाः भय्या डिनर बिल । इमिगु इहिपा क्वचाल । खुला लिपा नेपालय् वन । उदाय संस्कारकथं इहिपा यानाः अमेरिका लिहाँवल निम्हं ।

इहिपा यानाः दच्छि दुसानिसें नेपालय् च्वपि मांबौपिनि प्रतिमा नयां चाल धैगु खँ न्यने हथाय् । दच्छि फुत, निदँ फुत, धाधां च्यादँ फुत नं प्रतिमाया प्वाथय् दुगु खबर नेपालय् मथ्यं । मांबौपिनि धन्दां कय् कय् पुयाहल भाःतम्हेसित नं । तर धयां जुइगु मखु जुयाच्वन ।

बिहाः जूगु गुदँ नं फुत । प्रतिमा मज्यू मजूगु खँ कन । कयं वन— निम्हं । खःगु खँ जुल— प्रतिमाया प्वाथय् दुगु । प्रतिमां उत्तिख्यरं वया मांयात फोन यानाः सुचं बिल । मांमह लय्ताःगु उलिथुलि हे मडु । अजि जुइगु जुल व । छकलं हे प्रदीपया मांयात थःगु मोबाइलं फोन यात— 'सिल ला छि ... प्रतिमा नयां चाल हँ ... ।'

'धात्थें खः ला ... गबलय् स्यूगु छि ... ?' लसतां भय्ब्यूगु सः थ्वल प्रदीपया मांया ।

'नकतिनि प्रतिमां फोन यानाहःगु ।'

‘अय् ... का जिल का ।’

प्रदीपया मांयात थ्व खँ स्वैत कने स्वैत कने जुल । पसः वनाच्चंभ भाःतयात छँया फोन मोबाइल्य् डायल यात । खँ कनेवं बौम्हेसिया सः लसतां भय्बिल ।

स्वला लिपा प्वाथय् काय् दुगु संकेत बिल । प्रदीप व प्रतिमा जक लय्ताःगु मखु, नेपालय् च्वंपि मांबौपि नं उलि हे लय्ताः । त्वाःबाः, जःलाखःला, थःथितिपिन्त नं छय् काय् हे जुइगु जुल धकाः लय्तायाः कना जुइगु जुल । इमित आः मचाबू लहीत अमेरिका वनीपि जुइनि धकाः हायेकीगु । खला मचाबू लहीत मांबौ अमेरिका वनीगु फेशन धैथें हे जुइ धुंकल । गुम्ह गुम्हस्यां सुत्केरी भिसाय् अमेरिकाय् वने त्यनागु ला धकाः हायेकेगु नं यानाहये धुंकल ।

धाधामधां प्रतिमाया प्वाथय् दुगु नं न्हय्ला फुत । मचा बुइबलय् लागी ब्यवस्था यायां निम्हेसियां लिमलाः । आः स्वयाः मांबौ सःतेगु बारे इमि ताःहाकः सल्लाह जुल । अन्तय् प्रतिमाया मांबौ हे न्हापां भिकय् यायेगु क्वःछित । छगू बेडया एपार्टमेन्टय् च्वनाच्चंपि निगू बेडया अपार्टमेन्टय् सरय् जुल । भिसाया लागी माःगु दक्व भ्वं नेपालय् छ्वयाबिल । भिसा ब्यूसा ला जिल । मब्यूसा छु यायेगु ? इमिसं न्यनातःगु दु— गबलें गबलें मबी नं यः धकाः । ब्यूसां कि मां कि बौ छम्हेसित जक बीगु हँ । अनेतने मतिइ वः इमि । न्ह्यागुसां इमि कथं सकतां जोरजाम यानातल । भिसा बि हे बी धकाः धुक्क जुयाः ।

प्वाथय् दुम्ह प्रतिमा ज्याय् वना हे च्वनतिनि । ज्याया इलय् मोबाइल छ्यले मज्यू । उकिं वं थःगु मोबाइल्य् घण्टी वइ धकाः भाइब्रेसन मोडय् तयातःगु । वया मोबाइल्य् भाइब्रेसन संकेत बिल । म्हिचां मोबाइल लिक्काः स्वल प्रतिमां । नेपाल वःगु जुयाच्चन । हतपतं ट्वाइलेटय् वनाः खँ ल्हात । वया बाःयागु फोन खनी । तसकं

लसतां भय्भय् ब्यूगु व हहःपंगु सल छसासलं धयाहल— ‘जिपि निम्हेसितं भिसा बिल ।’

बौम्हेसिया सः न्यनाः बौम्ह स्वयाः भं प्रतिमा लय्ताल । प्रतिमायात धन्दा जुयाच्चंगु भिसा मबी धकाः ।

‘... आः जि ज्याय्, हंचा खँ ल्हाये न्हि बाः ...’ धयाः मोबाइलया स्वीच अफ् यात । प्रतिमा ज्याय् लिहाँवन ।

भिसा वःसानिसं प्रतिमाया मांबौ निम्हेस्यां न्हयः मवः । उदाय समाज पितब्यूगु सामाजिक विधि ब्यवहारया नियम ने.सं. १९३५ सफूचा स्वस्वं धलः मचाबू निसं जंक्व तकया छिं छिं कथंया ज्वलंत मुंकेगु नं न्ह्याके धुंकल ।

प्यंगः तग्वःगु सुटकेश व निगः हाय्ण्ड क्यारिड तयेफक्व सामानत न्हयंकल । मांम्हेस्यां उदाय समाजया बहःचाधंगु सामाजिक विधि ब्यवहारया सफूचा नं थःगु हाय्ण्ड ब्यागय् स्वथथं धाल— ‘स्वयादिसँ ... थ्व छगू नं जिगु ब्यागय् तया न्हिँ । अन च्वंपि उदायतय्त भीगु तजिलजि व आःया विधि ब्यवहार गुकथं न्ह्यानाच्चन थ्व स्वयाः क्यनेफइ, छु धया बौम्ह ?’

‘ज्यू ज्यू, छं लुमंकल । ति ति ... ।’

निम्ह अमेरिकाय् बल । निन्हु लिपा अमेरिकाया एयरपोर्टय् थ्यन । जिलाजं व न्ह्याय् वयाः काःवया च्वन । पलख इमित गन थ्यं गन थ्यं थें जुल । न्ह्याय् व जिलाजं यक्व लिपा खनाः इपि लय्ताःगु उलि थुलि हे मदु । घय् घय् पुल । प्रदीप सुटकेश ल्हवनाः लिफ्टया तग्वःगु भ्यानया ल्यूने तल । भ्यान प्रदीप व प्रतिमाया छँया ठेगानाकथं ड्राइभरया मोबाइल्य् च्वंगु जिपिएस कथं न्ह्यात । च्वापु भचा भचा वयाच्चंगुलिं लँ भचा ट्राफिक जामय् लात । जनवरीया महिना, मेनिसोता राज्यय् च्वापु वइगु धैगु ला सामान्य खत । मोटरय् दुने च्वं ज्वःछि इमिसं ख्वाउँगुया अनुभव मयाः । मोटरं पिहाँवःपिसं तसकं चिकु चायेकल ।

प्रतिमाया डेलिभरि डेट मेगु बाःछि दनि ।  
 अथेसां कयंवबलय् डेलिभरि डेट स्वयाः न्ह्यः हे  
 अस्पतालय् भर्ना जुइमाःगु खनेदयाः कयना च्वंगु  
 स्वीडेस अस्पतालय् हे भर्ना यायेत सकलें छै नं  
 पिहाँवल । प्रदीप मोटर चले यात । ससःअबुम्ह  
 न्ह्यःने फेतुल । मां म्हयाय् निम्हं ल्यूनेया सीटय्  
 च्वन । न्ह्यःने फेतुम्ह ससःअबुयात सीट बेल्ट  
 चिकल प्रदीप । सकलें प्रतिमा लिसे अस्पतालय्  
 थ्यन । भर्ना जुल । गबलय् मचा बुइ सुनां मस्यू ।  
 सिजरिन नं याये मालेफु सुनां मस्यू । प्रतिमायात  
 वार्डय् तल । प्रदीप, बौम्ह व मांम्ह पिने पियाच्वन ।  
 छधौ जाये धुकल भर्ना जूगु । पलख लिपा लः  
 कुहाँवःगु सुचं वयेवं नर्स छम्ह वयाः प्रदीपयात  
 वार्डय् ब्वना यंकल । मांम्ह व बौम्ह निम्हं पिने  
 पियाच्वंपिनि नुगः कये कये च्याः ।

छधौ लिपा प्रतिमां मचा बुइकल । नर्मल  
 डेलिभरि हे जुल । मेचय् फेतुनाः मचा बुइकूगु  
 स्वयाच्वंम्ह प्रदीप पलख वाताहां जुल । छकः

छकः पति मिखाय् निपा ल्हाःतं पितृपिया च्वन ।  
 छु जुल खः वैत । बाः जूगुया लसताय् लय्ताये  
 माःम्ह खः व । प्रतिमां मचा पितबीवं पलख  
 त्यानुगु अनुभव यानाच्वंगु सिइदु । याग्लाप्याग्ला  
 वं । मचायात हुइकेगु ज्या नर्स यानाच्वन ।  
 पलख लिपा मिसाम्ह डाक्टर वयाः प्रतिमायात  
 वया मचा ल्हातय् तयाः धाल—'Congratulations  
 Pratima. You have a daughter.'

आश्चर्य ! आश्चर्य !! आश्चर्य !!!

छत्थुं हे प्रदीप डाक्टरयाके न्यन—

'What is this doctor ? I must have a son ?'

डाक्टर लिसः बिल— 'Mr. Pradip, it's  
 daughter.'

छु जुल, गथे जुल ? सुनानं धाये मफुत ।  
 खँ न्यनाः वार्डय् दुहाँ वयाच्वंपि मांबौ निम्हं  
 वाताहाँ ।

थःगु छातिइ च्वंम्ह मचायात प्रतिमां चुप्पा  
 चुप्पा नयाः धाल— 'थ्व जिम्ह मचा ।' ♦

तवः (ताम्राकार) समाजया न्हापांगु दँमुज्याया लसताय्  
 समाजं ज्वंगु उद्देश्य पूवनेमा, ज्यासना पुचःयात दुनुगलं  
 भित्तुना



बालकृष्ण श्रेष्ठ

अध्यक्ष

का.म.न.पा. वडा नं. २४

मखं